

筆記小說大觀

第七冊

筆記小說大觀第七冊目錄

東坡志林

宋·蘇軾

龍川別志

宋·蘇轍

墨客揮犀

宋·彭乘

睽車志

宋·郭彖

墨莊漫錄

宋·張邦基

厚德錄

宋·李元綱

鶴林玉露

宋·羅大經

朝野類要

宋·趙昇

涉史隨筆

宋·葛洪

五總志

宋·吳炯

蘆浦筆記

宋·劉昌詩

夢梁錄

宋·吳自牧

嶺外代答

宋·周去非

游宦記聞

宋·張世南

宋蘇軾著

東坡志林

上海進步書局印行

東坡志林提要

宋蘇軾撰凡十二卷與學津討原中志林卷數相同此而勘之頗有出入是編是否據麻沙本無從證實但軾集在宋世已非一本陳振孫書錄解題謂東坡手澤三卷即俗本大全集中所謂志林紀曉嵐見內府藏本又多二卷其為後人任意纂輯無足怪也曉嵐謂是書為軾隨手所記本非著作亦無書名哀而集之者題曰志林斯言允已

東坡志林卷一

宋蘇軾撰

僕嘗夢見人云是杜子美謂僕曰世人多誤解吾詩八陣圖詩云江流石不轉遺恨失吞吳人皆以為先主武侯皆欲興關羽復讎故恨其不能滅吳非也我本意謂吳蜀唇齒之國不當相圖晉之所以能取蜀者以蜀有吞吳之意此為恨耳此理甚長然子美死凡四百年而猶不忘詩區區自別其意此真書生習氣耶

韓退之青龍寺詩終篇言赤色莫曉其故嘗見小說鄭虔寓青龍寺貧無紙取柿葉書九月柿葉赤而實紅則退之詩乃謂此也

退之詩云我生之辰月宿直斗乃知退之磨蝎為身宮而僕乃以磨蝎為命平生多得謗譽殆是同病也

石介作三豪詩其略云曼卿豪於詩永叔豪於文而杜默師雄豪於歌也永叔亦贈默詩云贈之三豪篇而我濫一名默之歌少見於世初不知之後聞其一篇云學海波中老龍聖人門前大蟲皆此等語甚矣介之無口識也永叔不欲嘲笑之者此公惡爭名且為介諱也吾觀杜默豪氣止是京東學究飲私酒食瘡死牛肉醉飽後所發

東坡志林

卷一

者也作詩狂怪至盧仝馬異極矣若更求奇便作杜默矣

昨日太守楊君采通判張公規邀余出遊安國寺坐中論風氣養生之事余云皆不足通難在去慾張云蘇子卿嘗雪噴嚙縮背出血無一語少屈可謂了死生之際矣然不免為胡婦生子窮居海上而況洞房綺閣之下乎乃知此事不易消除眾客皆大笑余愛其語有理故記之

唐末五代文章衰盡詩有貫休齊己書有亞棲村俗之氣大率相似如蘇子美家收張長史書云隔簾歌已俊對坐貌猶精格既凡近而字無法真亞棲之流近見曾子固編李太白集後謂頗獲遺亡而有贈懷素草書歌并笑矣乎數首皆貫休齊己辭格二人皆號有知識者故深可怪如白樂天贈徐凝退之贈賈島之類皆世俗無知者所詬此不足多怪

元祐元年余為中書舍人時執政惠本省事多漏洩故於舍人廳後作露籬禁同省往來余白諸公應須簡要清通何必裁羅補袖諸公笑而止明年竟作之暇日讀樂天集有云西省北院新構小亭種竹開窗東通騎省與李常侍窗下飲酒作詩乃知唐時得西掖作窗以通東省而今日本省不得往來可嘆也

舟中讀文選恨其編次無法去取失當齊梁文章衰陋而蕭統尤為卑弱文選序斯可見矣如李陵書蘇武五言皆偽而不能辨今觀淵明集可喜者甚多而獨取數首以知其餘人思遺者多矣淵明作閒情賦所謂國風好色而不淫正使不及周南與屈宋所陳何異而統大譏之此乃小兒強作解事者

李善注文選本末詳備極可嘉所謂五臣者真僂儒之荒陋者也而世以為勝善亦謬矣謝瞻張子房詩云苛虐暴三殤此禮所謂上中下殤言暴秦無道戮及孺稚也而乃引苛政猛於暴虎吾父吾子吾夫皆死於是謂夫與父為殤此豈非僂儒之荒陋者乎諸如此類甚多不足言故不言也

玉川子作月蝕詩以謂蝕月者月中之蝦蟆也梅聖俞作日蝕詩云食日者三足烏也此固僂說以寓其意也然戰國策曰日月輝輝於外其賊在於內則僂說亦尚矣余在岐下見秦州進一馬驢如牛領下垂胡側立倒項毛生肉端番人云此肉驢馬也乃知鄧公驢馬行云肉驢驢連錢動當作肉驢

悲陳陶云四萬義軍同日死此房琯之敗也唐書作陳濤柳不知孰是時琯臨敗猶欲持重以有所伺而中人邢延恩促戰遂大敗故次篇悲青坂云馬得封書與我軍

留待明年莫倉卒又北征詩云桓桓陳將軍杖鉞奮忠烈此謂陳元禮也元禮佐玄宗平內難又從幸蜀首建誅國忠之策洗兵馬行云張公一生江海客身長九尺鬚眉蒼此張鎰也明皇雖誅蕭至忠然常懷之侯君集云蹭蹬至此至忠亦蹭蹬者耶故子美亦哀之云赫赫蕭京兆今為時所憐及出塞云我今良家子出師亦多門將驕益慈恩身貴不足論躍馬三十年恐辜明主恩坐見幽州騎長驅河洛昏中夜聞道歸故里但空村惡名幸脫免役老無兒孫詳味此詩蓋祿山反時其將校有脫身歸國而祿山盡殺其妻子者不知其姓名可恨也

故人董傳善論詩嘗云杜子美詩不免有凡語已知仙客意相親更覺良工心獨苦豈非凡語耶余笑曰此句殆為君發凡人用意深處人罕能識此所以為獨苦豈獨畫哉憶昔詩云關中小兒壞紀綱謂李輔國也張后不樂上為忙謂肅宗張皇后也為留猛士守未央謂子儀等兵權入宿衛也子美自許與樸人未必許也然其詩云舜舉十六相身尊道口高秦時用商鞅法令如牛毛此自是與樸輩人口中語也又云知名未足稱局促商山芝又云王侯與蟻蟻同盡隨丘墟願聞第一義回向心地初乃知子美詩外別有事在也

樂天為王涯所譴謫江州司馬甘露之禍樂天在洛適遊香山寺有詩云當君白首同歸日是我青山獨往時不知者以樂天為幸之樂天豈幸人之禍者哉蓋悲之也劉子玄辨文選所載李陵與蘇武書非西漢文蓋齊梁間文士擬作者也吾因悟陵與蘇武贈答五言亦後人所擬今日讀列女傳琴瑟二詩其詞明白感慨頗類世所傳木蘭花詩東京無此格也建安七子猶含養主角不盡發見況伯喈女乎又瑛之疏離為在父歿之後董卓既誅伯喈方遇禍今此詩乃云為董卓所驅虜入胡中尤知其非真也蓋擬作者疏略而范曄荒淺遂載之本傳可以一笑也

柳子厚詩云盛時一失貴反賤桃笙葵扇安可常不知桃笙為何物偶聞方言簟宋魏之閒謂之笙乃梧桃笙以桃竹為簟也梁簡文帝答南王獻書云五難九折出桃枝之翠筴乃謂桃枝竹簟也桃竹出巴渝開杜子美有桃竹杖引

元豐七年十二月浴泗州雍熙塔下戲作如夢兩闕云水垢何曾相愛細看兩俱無有寄語惜背人盡日勞君揮肘輕手輕手居士本來無垢又云自淨方能洗彼我自汗流呀氣寄語澡浴人且共肉身遊戲但洗俯為世間一切此曲本唐莊宗數一名憶仙姿嫌其不雅馴後改云如夢莊宗作此詞卒章云如夢如夢和淚出門相

送取以為之名

舊讀子美六和寺詩云松橋待金鯉竟日獨遲留初不謂此語及碎錢塘乃知寺後池中有此魚如金色昨日復遊池上投餌餌久之乃略出不食復入不可復見自子美作詩至今四百餘年已有遲留之語則此魚自珍貴蓋久矣苟非難進易退而不妄食安得如此壽耶

寇元弼言去歲春徐州通判李陶有子年十七八素不善作詩忽詠落花詩云流水難窮目斜陽易斷腸誰同研光帽一曲舞山香父驚問之若有物憑附者自云是謝中舍問研光帽事云西王母宴羣仙有舞者帶研光帽帽上簪花舞香山一曲曲未終花皆落去

孔壁汲冢竹簡料斗皆漆書也終於虛壤景鐘石鼓蓋堅古人之為不朽之計亦至矣然其妙意所以不墜者持以人傳人耳大哉人乎易曰神而明之存乎其人吾作易書傳論語說亦粗備矣嗚呼又何以多為

漢武諱巫蠱之事疾之如仇讎蓋夫婦君臣父子之閒嗾嗾然不聊生矣然史記封禪書云丁夫人雖陽虞初等以方祠詛劾大宛已且為巫蠱之魁何以責其下此

查看完整版

付费下载



【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





【风水】风水命理资料合集_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



【中医】中华传统医学资料大全_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



【道术】道家法术\茅山术\符咒术\气术_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



【武术】传统武术与现代搏击术_6200 册

少林、武当、太极拳、形意拳、八极拳、咏春拳、气功、散打、格斗、拳击、...



【集藏】经史子集库_13300 卷

【经史子集】楚辞、汉赋、诗集、词集、宝卷、正史、编年、别史、纪事本末、地理志...



【国画】传世名画 _ 6100 卷

唐、金、辽、宋、元、明、清 800 多位画家近 6000 多幅传世...



【县志】方志\地方县志\乡志\地理志_8100 册

府志、区志、乡志、地理志..... 此合集为全国范围地方县志\府志古籍影印电子版，...



【国学】中华古籍库—32 万册古籍书

32 万册《中华古籍库》 【32 万册影印古籍 + 20 多亿字，带检索器和阅读工具】 包括各地方志、日本内...

【更多】 >> <https://www.fozhu920.com/list/>